



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. D. Henr. Harphii Theologi Eruditiss. Ordinis  
Minorvm, Ac Rervm Divinarvm Contemplatoris eximij.  
Theologiæ Mysticæ Libri Tres**

**Henricus <Herpius>**

**Coloniæ, 1611**

De cura omni non necessaria rei cienda, atque de rerum externarum administratione. Cap. VI.

**urn:nbn:de:hbz:466:1-37362**

obseruatio cordis nostri, sunt principium & fundamentum profici-  
entis vita. Tertius cogitationum modus est earum, quæ in scipis bo-  
nx sunt. sed mentem inquietant, siue sint detemporalis cura licita, si-  
ue sint de spirituali cura, vt in scrupulis, & pusillanimitibus, & si-  
milibus: siue sint de celestibus & æternis, sicut in curiosis & subtilibus  
persecutionibus mysteriorum Dei, & æternæ vite. Homines sub-  
tilis ingenij, & ex natura actimi, difficilius quam alij à cordib⁹ suis  
huiusmodi cogitationes valent abigere. Attamen oportet eas peni- Simplifica-  
tus à corde repellere, in quantum prædiunt simplicem cordis quietem, tie cordis.  
quæ maximè nutrit amorosum in Deum effluxum. Nam quia Deus  
vnum est, melius simplicitate cordis inuenitur: & quia amor æternus  
est, melius desiderio & amore conquiritur. Non tamen volo quod  
sine omni imagine & cogitatione esse debeas, sed propono tibi ima- Imago  
ginem Iesu Christi: qui est splendor vel fulgor æternae luminis, & spe Christi in  
cœlum sine macula, vt Sapiens ait. Hanc imaginem amoroso desiderio corde por-  
imitandi portabis in exteriori hominete, secundum humanitatem tanta.  
eius in cruce pendente: imprimisque tibi formam suæ abyssalis Sapientia. 7.  
humilitatis, abiectionis, patientiæ, mititatis, & omnes alias abyssales  
virtutes ultra omnium hominum capacitatem. Imaginem hanc ac-  
cipe in omni loco, in omni hora, in omni verbo, in omni opere, in  
omni occupatione, intus ac foris, in prosperis & aduersis. Si co- \* alias tem-  
medis, intinge singulas buccellas panis in vulnera eius. Si bibis, co- ratione,  
gita potum quem in cruce potauit. Si lauas manus, vel corpus, co- Sapientia.  
gita sanguinem quo animam tuam lauit. Si vadis dormitum, co-  
gita lectum crucis, & reclina caput tuum super cervicalis spinæ coro-  
næ. Et in his cogitationibus debes nutritre amorosam compassionem  
& desiderium imitandi vestigia eius. In interiori autem homine por-  
tabis imaginem abyssalis charitatis suæ, ex qua cuncta creauit, huma-  
nam naturam assumptis, formam cunctarum virtutum dedit, ama-  
ram mortem sustinuit, vitam æternam parauit, & seipsum totū pro-  
misit. Et hoc modo cogitationes commutabuntur in affectiones, &  
cognitio in amorem perfectum: quia amor operatur mortificatione  
naturæ, vitam spiritus, operationem superiorum virium, influxumq;  
in Deum, & separationem ab omni creatura.

De cura omni non necessaria reiçenda, atque de rerum externarum  
administratione. Cap. VI.

**S**exta est perfecta mortificatio exterioris curæ, quæ non est de iusta necessitate, propter spiritualem velitatem, vel propter obedientiam. Hic sciri potest vera differentia actiuæ vitæ, quæ fideles seruos Dei efficit: & contemplatiuæ, quæ familiares amicos Dei facit. Nam quidam in sua conversione eligunt obediere Deo, sanctæ Ecclesiæ, & suis superioribus: exercitantq; se in virtutibus, in bonis moribus, in statutoru & ordinationum diligentij observatione, querentes in omnibus honorem Dei, & non seipso. Sed altiorem perfectionem constituant in exercitijs vita actiuæ, & in orationibus vocalibus, & in recognoscendo peccata sua, mortem, iudicium, aut etiam passionem Domini, duntaxat ad compatiendum, peruenireq; non valent ad cognoscendū exercitia vera vita contemplatiuæ. Ratio est, quia in actiuæ vita magis ipsis complacet, & videtur eis magis meritoria esse: & hæc est causa, quare in cordibuscœrū magis sunt depicta opera quæ faciunt, quam Deus ipse, propter quem illa faciunt. Idecirco in corde diuisi sunt distracti, & infastabiles: quoniam passiones naturales adhuc viuntur in eis, quibus faciliter comouentur, quamdiu non perueniunt ad contemplatiuam vitam, quia enim facit omnibus passionibus naturalibus, feliciter inordinate latitia, tristitia, complacentia, vanæ glorie, impatiencia, vanæ spei, inordinate verecundia, & similibus: propter quod etiam non possunt peruenire ad interiorem hominem & quietem, nisi prius ex toto intrinsecus recollecti, & Deo totaliter vni sunt: quia tunc primum eis renelantur internæ, familiares, occultæ, amabilis via Dei, loquiturq; Iesus in anima eorum: *Iam non dicam vos seruos, quia seruos nescit quid faciat dominus eius: sed dicam vos amicos, quia omnia quecumque audiui a Patre meo, nota feci vobis.* Igitur qui internam vitam habere cupit, necesse est ut eam seruenter desideret & petat à Deo, atq; ad eam studiose se applicet: quia Dominus noster gratia suā & opem (sive ad opera exteriora virtutum, sive ad interiorem hominem & exercitia dilectionis) elargitur, secundum quod unusquisque ad huiusmodi se disponuerit, suamq; diligentiam aut operam exhibuerit. Si ergo homo interius & illuminatus Dei amicus fieri vis, oportet ut cor tuum adeò purifaces, ut nihil citra Deum in eo quiescat: & omnia exteriora opera & occupationes, quas dictante ratione vel obedientia perficies, absq; multiplicitate & solicitudine cordis agere discas, cum elevato intellectu arque affectu ad Deum: quia tametsi labor, qui in silentio fit, valde laudetur: tamē multiplicitas, sollicitudo, & distractio cor dis re-

Idem. 15..

Vita interna quomodo acquiescat ut.

Opera exteriora quomodo exercenda.

Solicitudinis superflua mala quæ.

dis reprobatur: quia infrigidant affectum amoris, exponuntq; hominem multis tentationibus & insidijs inimici, natura & sensualitas potentiores sunt, atque magis seipsas querunt in oblationibus, in vanitatibus, & voluptatibus, ex quibus intellectus obfuscatur, spiritus sensibilis efficitur, & omne spirituale exercitium insipidum.

Si igitur volueris vincere omnes tentationes diaboli, carnis, & mundi, omnes fragilitates ac imperfectiones tui ipsius, omnesq; naturales passiones, labora omni tempore gestare internum & elevatum animū & desiderium in Deum, semper magis sequendo internum amoris exercitium, quam exteriora opera virtutum. Nam distractio occupatio cordis, etiam in licitis, sua confuetudine quanquam superinducit animi distemperantiam, vel indispositionem, & euagationem cordis, qua amputari etiam orationis tempore nequeat: & etiam non sinit inferiores animae vires peruenire ad aliquam quietam recollectionem sui. Ad istud autem nemo perfecte peruenire potest, nisi affectus suus liber sit ab omni re infra Deum existente, & adeo in Deum raptus, ut se ipsum contemnere sciat in omnibus proper amorem Dei: quoniam parus amor facit spiritum purum, simplicem, & ab omnibus liberum, intentum, ut sine labore semper se contertere in Deum poscit. Nam ubi amor, ibi est oculus memoriae, & cor affectus, ita ut tam paratum se inueniat ad suam introuersionem, quam ad extrouersionem.

Tentatio-  
nes omnes  
vincendi  
modus-

*De omni cordis amaritudine tollenda, per amoris diuini dulcedinem. Cap. VII.*

**S**eptima est perfecta mortificatio omnis amaritudinis cordis. Non standum, quod amaritudines istæ cordis ex quintuplici origine procedant. Primo, ex presumptione propriorum virtuosorum operum in multa penitentia, aut exercitijs, & alijs operibus, que bona coram hominibus apparent: sed ex proprio, superbo, immortificato corde prodent, & appellantur falsæ iustificationes, scilicetq; coram Deo: quia tales homines seipsos in huiusmodi exaltat, multumq; proclives sunt ad aspernendum & indicandum alios corde, vel etiam verbis, dicentes cum Phariseo: *Non sum sicut ceteri hominum, raptiores, iniusti, adulteri, velut etiam hic publicanus.* Nec aliquid homines periculosis istis stant, quia de proprijs virtutibus peores sunt, & faciles sunt ad alijs indignandum, male de eis suspicandum, false iudicandū, quemadmodum B. Gregorius dicit: *Vera iustitia compassionem habet,*

Amaritu-  
dinis cor-  
dis origo.

*Lucæ 18.*

SS 3 bet,